



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 34. Paschasii Ratberti initia.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

xime futuris comitiis compareret, & cri-
mina sibi objecta dilueret, eo usque au-
tem Imperator honores suæ Dignitati
competentes non concederet. Comititia
illa celebrata sunt Aquisgrani mense Fe-
bruario anno octingentesimo trigesimo
primo, ut præstitutum fuerat. Juditha in
conspectum Imperatoris & filiorum ipsius
ingressa est, quæ sivitque populus, an ali-
quis esset, qui vellet eam accusare. Ne-
mine se movente ipsa edito juramento de
omnibus sibi objectis juxta legem Fran-
corum se purgavit. Tum rei, qui No-
viomagi custodia traditi fuerant, judica-
ti; visumque est omnibus, esse morte
dignos. Verum Imperator vitæ gratiam
fecit, satisque bono Principi fuit præci-
pere, ut in diversis locis custodirentur,
Clerici autem in Monasteriis includeren-
tur. Imo eodem anno complures liber-
tati restituit.

§. XXXIV.

Paschafii Ratberti initia.

Inter has turbas & Wala Abbate in exi-
lio degente Paschasus Ratbertus Tra-
ctatum suum de Corpore & Sanguine
Domini nostri celebratissimum scripsit.
Is a prima ætate in Monasterio Nostræ
Dominæ seu Sanctæ Virginis Sueffione
beneficio Sanctimonialium illarum, qui-
bus gratum animum quoad vixit exhi-
buit,

*Mabill. in
præf. to. 6.
§. 1. n. 4.*

Sæculum IX.
A. C. 831. buit, educatus, & per Tonsuram Deo consecratus, deinde tamen ad Sæculum rediit, & diu inter Sæculares moratus est. Tandem in Monasterium Corbejense se recipiens, Adalhardi senioris Abbatis disciplinæ se tradidit, ibique in Studiis scientiarum ita profecit, ut deinde Confratres suos docendi muneri admotus maximam apud omnes laudem adeptus fuerit. Quamvis vero in litteris humanis esset doctissimus, singulari tamen cura Sacræ Scripturæ & Patrum lectioni vacabat, jamque priusquam ad Dignitatem Abbatialem fuisset promotus, in Festis solemnibus Evangelium Congregationis suæ Fratribus explicabat, & nihilominus nunquam ab officio Divino aliisque Instituti Monastici exercitiis aberat, sed solum quod sibi supererat tempus & quasi furtivas horas suis lucubrationibus dabat, maxime cavens, ne unquam otiosus esset.

Sup. lib.
XLVI. §.
7.

Paschasium Magistrum suum complures Discipuli illustrem reddiderunt, quorum numerum augent Adalhardus junior, qui in Regimine Abbatia Adalhardo seniori successit, S. Anscharius postea Archiepiscopus Hamburgensis, Hildemanus & Odo, ambo Episcopi Bellovacenses, & Waranus Abbas Corbejæ novæ. Ipse Ratbertus ad fundandum hoc Monasterium operam suam junxit, eoque pergentes anno octingentesimo vigesimo

simo secundo Adalhardum Abbatem & Sæculum IX.
 Walam fratrem ipsius comitatus est. A. C. 831.

Anno octingentesimo vigesimo sexto, *Sup. lib.*
 cum Adalhardus inter vivos agere desi- *XLVI. §.*
 isset, a Congregatione Corbejæ veteris 50.

delegatus ad Regiam profectus est, ut
 confirmationem electionis Walæ ab Im-
 peratore obtineret. Illis diebus, qui-
 bus in aula versatus est, cuidam ex pro-
 ceribus sciscitanti, cur tantæ severitatis
 virum elegissent, respondit, illum eligen-
 dum esse viæ ducem, qui ceteros in iti-
 nere præcedere soleret. Eum Ludovi-
 cus Imperator in Saxoniam misit anno
 octingentesimo trigesimo primo (tunc
 forte cum S. Ansharius Prædicationem
 in Septentrionalibus partibus susciperet)
 atque sæpius exinde ad componendas
 tum Ecclesiarum tum Monasteriorum cau-
 sas adhibuit. Denique Wala Abbas tan-
 ti faciebat Ratbertum suum, ut sine ipso
 vix negotium quodquam perficere, vix
 iter quoquam suscipere posset. Talis
 erat Ratbertus Monachus, qui cognomi-
 ne Paschasius dici voluit, secutus exem-
 plum virorum doctorum sui Sæculi, qui
 nomini proprio barbaro cognomen lati-
 num conjungebant.

§. XXXV.

Tractatus Paschasii de Eucharistia.

Paschasius anno circiter octingentesimo
 trige-